



CAsparus natus est in inclyta urbe Saxonie Ly-
psia prima die Januarij, Anno 1504, circiter ho-
ram primam post mediam noctem, ita ut duo tan-
tum fuerint Planetarum domicilia. Nam Sol, Ve-
nus, & Mercurius in Capricorno tertium locum à
Horoscopo occupabant, ceteri autem, utpote Sa-
turnus, Iupiter, Mars, & Luna in Cancro existentes
nono loco uolebatur. Extabatq; tantum supra fi-
nitorem Spica Virginis, quantum infra adhuc à li-
nea Horizontis duæ lucentes in utra chele aberat,
quæ quidem nobis simul oriuntur. Congruerat et-
iam totus asterismus Leonis cum decimo loco ab
Horoscopo. Itaq; tum congressus stellarum non uul-
garis erat. Sed habuit ipse gubernatorem alium multo meliorem & potentio-
rem, scilicet Spiritum sanctum, cuius impulsu uirtutum semina in eo foueban-
tur. Visus is erat initio parētibus segnior, propterea quod pauciloquus & co-
gitabundus esset, atq; sæpe in medijs sodalitijs quasi peregrinante animo, quæ
quidem natura propriè Melancholicorū existit. Sed cum celeriter Grammati-
cen à Georgio Helto uiro optimo percepisset, postea Casparo Bornero com-
mendatus fuit. Is statim animaduertit nequaquam tardam aut ignauam natu-
ram (ut uidebat) in eo esse, sed & auidam doctrinæ, & celeriter omnia arripien-
tem quæ proponebantur, ita ut tum maximè in ea quæ disceret intentam co-
gitationem haberet, cum aliud agere existimabatur. Vnde is bene sperare pa-
rentes de filij ingenio iussit, & hortator fuit, ut apud Petrum Mosellanum in
utraq; lingua Græca & Latina exerceret. Audiuit etiam tum Crotum Britan-
num, atq; Ioachimum Camerarium comilitonem habuit. Cum hoc modo fe-
liciter in literis pergeret, & in moribus nihil arrogantiæ, insolentiæ, aut fuci, sed
natura recta, cædida, casta, pia, & disciplinæ patiens esset, Petrus eum ut filium
complexus est, atq; eius indolem omnibus prædicauit.